

Զրույց Վիլի հետ՝ փախստականներին օգնելու մասին



Վիլը Փենսիլվանիայից է (ԱՄՆ): Մենք որոշ հարցեր տվեցինք նրան մի նախագծի մասին, որը նա արել էր ուրիշներին օգնելու համար:

ԿԱՄՐԱՆԸ: ՊԵՏԿ ՎԻԼԻԱՆ

Կպատմե՞ս մեզ քո մասին

Ես 11 տարեկան եմ: Ես սիրում եմ ֆուտբոլ և լակրոս խաղալ, թխվածքաբլիթներ թխել, լողալ, դահուկներով և անվազնուղիներով սահել: Ես նաև դաշնամուր ու ջութակ եմ նվագում: Իմ սիրելի գույնը մուգ կապույտն է, իսկ իմ սիրելի ուտելիքը՝ ձուն (կաթնաձվածեղ, տապակած, պիկո խաշած. ամեն ձևով սիրում եմ): Երբ մեծանամ, ուզում եմ հայրիկիս նման բժիշկ դառնալ:



Ի՞նչն է քեզ տվել օգնելու գաղափարը

Ես լսում էի, որ այլ երկրից շատ ընտանիքներ փախչում են իրենց ապահովության համար: Նրանցից ոմանք տեղափոխվում էին մեր մոտակա տարածքները: Հենց այդ ժամանակ մտածեցի. «Ես ինչպե՞ս կարող եմ օգնել»:

Ես աղոթեցի, որպեսզի իմանամ, թե ինչպես կարող եմ օգնել: Հետո մայրս նամակ ստացավ ցղի Սփոփող միությունից: Նրանք խնդրում էին մարդկանց իրեր նվիրաբերել՝ փախստականների ընտանիքներին տալու համար: Գիտեմ, որ ստացա իմ աղոթքի պատասխանը:

Դու ինչպե՞ս օգնեցիր

Ես սիրում եմ թխել (մասնագիտացել եմ թխվածքաբլիթներ պատրաստելու մեջ), ուստի որոշեցի թխվածքաբլիթներ վաճառել և այս ընտանիքների համար գումար վաստակել: Ես թռուցիկներ պատրաստեցի և իմ անվազնուղիներով շրջեցի մեր տարածքում՝ դրանք բաժանելու համար: Իմ շունը՝ Կոկոն, հետևում էր ինձ:

Հարևաններիցս շատերը ոգևորությամբ գնում էին իմ թխվածքաբլիթները: Վաստակածս գումարով կաթսաներ ու թավաներ գնեցի նվիրաբերելու համար:



Ինչպե՞ս էիր քեզ զգում

Ես ինձ լավ էի զգում՝ իմանալով, որ այս ընտանիքները կկարողանան ճաշ պատրաստել՝ օգտագործելով կաթսաներն ու թավաները: Ես կարող եմ միայն պատկերացնել, թե որքան մխիթարիչ կլինի տնական կերակուր համտեսելը, երբ դու նոր երկրում ես:



Երեխաների միությունում ես սովորել եմ, որ «երբ դուք ձեր մերձավորների ծառայության մեջ եք, դուք սուսկ ձեր Աստծո ծառայության մեջ եք» (Մոսիա 2.17): Ես զգացի Երկնային Հոր սերը իմ և իմ տարածք տեղափոխվող մարդկանց հանդեպ:



Ի՞նչ խորհուրդ կտայիք այն մարդուն, որն ուզում է օգնել ուրիշներին

Փնտրեք ուղիներ՝ ձեր ծխում կամ ցցում ծառայելու համար: Դուք կարող եք նաև օգնել ձեր տարածքում գտնվող տեղական ապաստարանին: Օգնելու ուղիներ կան ամենուրեք: ●

